

229552



卷〇三四五
鳥字

卷〇三四六
鳥字

卷〇三四七
鳥字等



永樂大典

永樂大典卷之二千三百四十六

六模

烏

城上烏樂府詩集桓帝之初京都童謡。按此皆謂爲政貪也。城上烏尾畢適者。處高利獨食。不與下共。謂人主多聚歛也。公爲吏。子爲徒者。言蠻夷將畔逆。父旣爲軍吏。其子又爲卒徒。性擊之也。一徒死。百乘車者。言前一人往討胡旣死矣。後又遣百乘車性。車班班入河間者。言桓帝將崩。乘輿班班入河間迎靈帝也。河間婢女工數錢。以錢爲室。金爲堂者。靈帝旣立。其母永樂太后好聚金以爲堂也。石上慙慙春黃梁。言永樂唯積金錢。慙慙常若不足。吏人春黃梁而食之也。梁下有懸鼓。我欲擊之。丞卿怒者。言永樂教靈帝使賣官受錢。所祿非其人。天下忠篤之士悲望。欲擊懸鼓以求見。丞卿主鼓者。亦復諂順怒而止我也。劉昭以爲此謠後驗。竟爲靈帝作言一徒。似斥桓帝。帝責任羣閣。參委機政。左右前後莫非利人。有同囚徒之長。故言寄一徒也。且又第則廢然身無嗣。塊然單獨。非一而何。百乘車者。乃國之君解績後徵正庸斯數。繼以班班尤得以類焉。解績靈帝所

封也。城上烏尾畢逋。公爲吏。子爲徒。一徒死。百乘車。車班班。入河間。河間婉女工數錢。以錢爲室。金爲堂。石上撫撫。春黃梁。梁下有懸鼓。我欲擊之。丞卿怒。古辭爲生。一曰爲生八九子。樂府解題曰。古辭云。烏生八九子。端坐秦氏桂樹間。言烏母子本在南山巖石間而來。爲秦氏彈丸所殺。白鹿在苑中。人得以爲脯。黃鵠摩天。鯉在深淵。人得而烹煮之。則壽命各有定分。死生何待前後也。若梁劉孝威。城上烏。一年生九雛。但詠烏而已。又有城上烏。蓋出於此。烏生八九子。端坐秦氏桂樹間。昔我秦氏家有遊遨蕩子二。用睢陽彊蘇合彈。左手持彊彈兩丸。出入烏東西。昔我一丸即發中。烏身死。羗魄飛揚上天。阿母生烏子時。乃在南山巖石間。昔我人民安知烏子處。蹊徑窈窕安從通。白鹿乃在上林西苑中。射工尚復得白鹿。臍嘗我黃鵠。摩天極高飛。後宮尚復得烹煮之。鯉魚乃在洛水深淵中。釣釣尚得鯉魚口。昔我人民生各各有壽命。死生何須復道前後。右一曲魏晉樂所奏。梁吳均。馬馬城上烏。翩翩尾畢逋。凡生八九子。夜夜啼相呼。質微知慮少。體賤毛衣麕。墜下三萬歲。臣主執金吾。朱超。朝飛集帝城。猶帶夜啼聲。近日毛雖煖。聞絃心尚驚。劉孝威。城上烏。一年生九雛。枝輕巢本狹。風多葉早枯。翫毛不自煖。張翼強相呼。金析巖兮翠

樓甫。廢壁老芳椒。泣韻。虞機銜網不得猜。鷹鷂搏無由逐。永願共栖曾
氏冠。司瑞周王屋。莫啼城上寒。猶賢野間宿。羽成翮俗各西東。丁年賦命
有窮通。不見高飛帝輦側。遠託日輪中。高逢王吉箭。猶嬰夏羿弓。豈如變
彩救燕贄。入夢祚昭公。留聲表師退。集幕示營空。靈臺已鑄像。派蘇時候
風。宋文同丹湖集。南山有烏鳥。生子層崖巔。戢戢新羽成。相將弄晴烟。朝
飢集壘上。暮渴來窟前。託居深林中。自足終爾年。胡爲去所依。無乃甘棄
捐。却愛庭樹好。群飛投碧圓。高枝踏未穩。身已隨潛弦。因知萬物理。主者
持點權。凡云憂此命。生死期已然。出入既有定。何歎於後先。烏夜啼樂
府詩集。烏夜啼八曲。唐書樂志曰。烏夜啼者。宋臨川王義慶所作也。元嘉
十七年。從彭城王義康於豫章。義慶特爲江州。至鎮相見而哭。文帝聞而
恠之。徵還寔大懼。伎妾夜聞烏夜啼聲。扣齋閤云。明日應有赦。吳平吏爲
南兗州刺史。因此作歌。故其和云。夜夜望即來。龍窻窻不閉。今所傳歌辭。
似非義慶本旨。教坊記曰。烏夜啼者。元嘉二十八年。彭城王義康有罪。放
逐行次潯陽。江州刺史衡陽王義季。留連飲宴。歷旬不去。帝聞而怒。皆因
之。會稽公主。姊也。嘗與帝宴洽。中席起拜。帝未達其旨。勅止之。主泣涕曰。
車子歲暮。恐不爲陛下所容。車子。義康小字也。帝指簾山曰。必無此。不爾

便負初學陵。武帝葬於蔣山。故指先帝陵爲誓。固封餘酒寄義康。旦日。昨與會稽姊飲樂憶第。故附所飲酒往。遂宿之。使未達海陽。海陽家人扣二王所囚院曰。昨夜烏夜啼。官當有赦。少頃使至。二王得釋。故有此曲。按史書稱臨川王義康爲江州。而云海陽王義季傳之誤也。古今樂錄曰。烏夜啼。舊舞十六人。樂府解題曰。亦有烏棲曲。不知其此同否。歌舞諸少年。娉得無種迹。昔蒲花可憐。聞名不曾識。長檣鐵底子。布帆阿那起。託儂安在問。一去數千里。辭家遠行去。儂歡獨離居。此日無啼音。裂帛作還書。可憐烏白鳥。疆言知天曙。無故三更啼。散子冒聞去。爲生如欲飛。二飛各自去。生離無安心。夜啼至天曙。龍窻窻不開。蕩戶戶不動。散下藏艸篇。交儂那得住。遠望千里煙。隱當在數家。欲飛無兩翅。當奈獨思何。已陵三江口。蘆荻齊如麻。執手與歡別。痛切當奈何。右八曲。梁簡文帝詩。綠草庭中望明月。碧玉堂裏對金鋪。鳴弦撥換發初異。挑琴欲吹衆曲殊。不疑三足朝含影。直言九子夜相呼。羞言獨眠枕下流。託道單棲城上烏。劉李緯詩。鵲弦且輟弄。鶴操暫停徽。別有啼鳥曲。東西相背一作各自飛。倡人恐獨守。蕩子遊未歸。忽聞生離曲。長夜泣羅衣。周庾信詩。促柱繁弦非子夜。歌舞態異前谿。御史府中何處宿。洛陽城頭那得棲。彈琴

蜀郡卓家女。織錦秦川實氏妻。詎不自驚長淚落。到頭啼鳥恒夜啼。挂
樹懸知遠。風竿詎肯低。獨憐明月夜。孤飛猶未棲。虎賁誰見惜。御史詎相
憐。雖言入弦管。終是曲中啼。唐楊巨源詩。可憐楊葉復楊花。雪淨煙深碧
玉家。鳥棲不定枝條弱。城頭夜半聲啞啞。浮萍遙蕩門前水。任爾笑容莫
墮沙。李白詩。黃雲城邊烏欲棲。歸飛啞啞枝上啼。機中織錦秦川女。碧紗
如煙隔牕語。停梭悵然憶遠人。獨宿孤房淚如雨。王房掣鏐聲。翻葉。銀
箭添泉遠霜鏐。畢逋發刺月銜城。八九雖飛其母驚。此是天上老鷄鳴。人
間老鷄無此聲。搖雜佩。耿華燭。良夜羽人彈此曲。東方幢幢亦日旭。月
出江林西。江林寂寂城鷄啼。昔人何處為此曲。今人何處聽不足。城寒月
曉馳思深。江上青草爲誰綠。李羣玉詩。曾波隔夢時。一望青楓林。有鳥在
其間。連曉自悲吟。是時月黑天四野。煙雨深。如聞生離哭。其聲痛人心。悄
悄夜正長。空山響哀音。遠客不可聽。坐愁華髮侵。既非蜀帝魂。恐是恒山
禽。西子各分散。母聲猶至今。竊夷中詩。衆鳥各歸枝。鳥爲爾不棲。還應知
妾恨。故向綠窻啼。白居易詩。城上歸啼曉。庭前宿處危。月明無葉樹。霜滑
有風枝。啼濕飢喉咽。飛低凍翅垂。盡堂鸚鵡鳥。冷暖不相知。慈烏失其
母。啞啞吐哀音。晝夜不飛去。經年守故林。夜夜夜半啼。聞者爲沾襟。聲中

如告訴。未盡反哺心。百鳥豈無母。爾獨哀怨深。應是母慈重。使爾悲不住。
昔有吳起者。母喪喪不臨。嗟哉斯徒輩。其心不如禽。慈鳥復慈鳥。鳥中之
曾參。王建詩。庭樹烏。爾何不向別處棲。夜夜夜半當戶啼。家人把燭出洞
戶。驚棲失群飛落樹。一飛直欲飛上天。回回不離舊棲處。永明重繞主人
屋。欲下空中黑相觸。風飄雨濕亦不移。君家樹頭多好枝。張祐詩。忽忽南
飛返。危弦共怨悽。暗霜移樹宿。殘夜遠枝啼。咽絕聲重叙。惜添思乍迷。不
妨還報喜。候使玉顏低。張籍詩。李勣琴。說曰。烏夜啼者。何晏之女所造也。
初晏繫獄。有二烏止於舍上。女曰。烏有喜聲。父必免。遂撰此操。按清商曲
亦有烏夜啼。宋臨川王所作。與此義同。而事異。秦烏啼啞啞。夜啼長安吏
人家。吏人得罪因在獄。傾家賣產將自贖。少婦起聽夜啼烏。知是官家有
赦書。下牀心喜不重寐。未明上堂賀舅姑。少婦語啼烏。汝啼慎勿虛。借汝
庭樹作高巢。年年不令傷爾雛。江湖詩集。姜夔詩。老烏棲棲飛且號。晨
來枝上啄楮桃。楮桃已空楮葉死。猶啄枯枝覓蟲蟻。老烏賤分何其貧。未
啼已被鄰公嗔。吁嗟老烏不日省。牆頭屋上紛成群。吳中貴遊重鸚鵡。十
金遠致能言語。花底紅條鄭袖擎。盤中碧果秦宮取。天生靈物得人憐。過
者須來鸚鵡邊。老烏事事無足錄。人間猶傳夜啼曲。江湖前詩。郭從範詩。

岩煙障樓天欲暮。飛鳥夜集蕪城戍。雲外單通街尾來。月明貓睛同枝語。
樓中有人輟機杼。玉筍怨咽疑江霧。惆悵幽棲夜未闌。桂樹秋風蘭葉露。
江湖後集李靜詩。衆鳥各歸枝。落花香滿泥。狹斜柳樹烏爭宿。夜夜夜
半當戶啼。浮萍搖蕩門前水。九節菖蒲石上死。感郎中夜渡瀟湘。思光暗
入簾櫳裏。江湖續集高吉詩。榮榮蕩子妻。空房守幽獨。纏綿心緒長。吞
聲忍夜哭。背燈耿孤影。香冷雲幙低。絕憐屋上烏。替人嗚嗚啼。周文璞詩
何人彈阮咸。故人輕手摘。彈作烏夜啼。此意我所聞。南朝有帝子。作牧號
侯伯。着身疑嫌間。生意日偏仄。愛妾聞啼聲。改鎮頌竹冊。或云長安吏。性
命存頃刻。小婦聞啼聲。故令教大澤。身雖不肖甚。幼小着蒼隴。再轉作縣
佐。欲塞父祖責。滿墨決疑訟。行誅慰冤鬼。羣凶見之怒。極意便剝磔。首沮
隸陽橋。公議亦已格。痛掠及庫胥。指作盜錢賊。胥既僞維繫。手墮面愈黑。
書款自誣伏。身竟遭刻畫。酷毒一如斯。誰謂彼無策。謗書入外臺。遂坐使
者劾。牽連入冶城。五載窮慘穢。徵詞呼冤哭。衆動人叵測。若無磊落者。誰
肯爲昭白。翻思受禍時。何但鐵羽翻。愁冤傳里巷。泣涕到臧獲。婆母偕妻
舅。惻惻望秋色。豈料今日下。置酒設豚拍。聽此哀唳鳴。但呼說不得。月明
客已去。庭宇鳴啞啞。世人見慈烏。唾笑滿阡陌。誰知事來除。禍去反爲福。

蒼蒼上林枝。當去作謝客。曹劌詩。鐵馬啞啞不肯棲。雄飛呼雌鳴聲悲。蟠
樓年少醉歌舞。幽閨思婦寂無語。將軍百戰未成功。坐數更籌聽金鼓。
月落啼鳥近。鏤窓鏤窓深。處處鳴鶯鶯。鶯鶯未就勝先結。馬踏天山夜飛雪。
歸來且莫話封侯。同醉笙歌弄明月。僧文珣詩。東家屋樹與雲齊。夜夜有
鳥來上棲。明月照樹栖。鳥啼愁我窓中戰士妻。官家遣夫戍遼西。三年不
歸守空閨。鳥啼不止婦增泣。淚痕如雨衣裳濕。前賢小集拾遺詩。洞詩
金缸焰短風幕斜。樓鳥啼月聲鴉鴉。玉人寶瑟掩不弄。背窓紅淚飄蘭花。
錦機挑字相思意。欲託南風到遼水。黃龍臺斷春思勞。渺起音容隔千里。
周紫芝太倉稿。未集黃門急詔下。越封南郡王。鸞輅儼且深。班劍列成行。
建以左纛飾。樹以羽葆幢。骨肉厚恩義。門戶生輝光。分封得大國。四境猶
土疆。那知以嫵猜。將身觸嗔怒。微我還上都。令我不得住。奪我封侯印。被
我五兩組。低頭屏氣息。對客不敢語。紅窓昏夜燈。白淚墮秋雨。鬱鬱兩大
樹。依依近牆宇。鴉鴉枝上啼。腦腦振兩羽。沉沉夜未央。耿耿方三鼓。待兒
聞之喜。攬衣中夜起。起敲齋閣門。東燭具散首。再拜前致辭。靈鳥未可鄙。
吾聞鳥夜啼。霽澤車萬里。果果方平旦。使者已在門。官家有詔書。為君敦
厚恩。舊憤知已釋。從封意增勤。客有鮑書記。當代稱能文。命作啼鳥曲。樂

府傳清芬。人生欲富貴。生身恨不早。富貴豈不好。危機亦難蹈。古來兄弟間。生元在一朝。煮豆然豆。豆葉焦。靈烏莫厭聲。曉曉。李希聲詩。城頭老烏尾畢通。啞啞飛來聲。相呼。未央宮。發夜方徂。紅靴玉帶。開金鋪。寶燐吐水石笑渠。日暮。君王同歡虞。舞衣香墜。紅氍毹。漏聲瑤瑤。滴銅壺。烏啼未已。星漸無。炯炯燭龍上天衢。萬年枝影。轉扶疎。戢戢當殿群臣趨。請上當時無逸圖。許。裴梅屋詩。丈人屋侵雲。烏愛丈人屋。涂人亦愛烏。烏聲亦相續。屋底間蛾眉。環坐理絲竹。絲竹無新腔。寫汝聲爲曲。丈人一賞音。光礫棄珠玉。移噪隣翁家。聞者皆唾逐。中州集。宇文虛中汝琴。莫作歸鳳鳴。汝曲莫裁白鶴怨。明珠破壁掛高城。上有烏啼人不見。堂中蠟炬紅生花。門前紺纓七香車。博山夜長香燼冷。悠悠蕩子留倡家。妾機尚餘數段錦。織恨傳情還未忍。城烏爲我盡情啼。知道單棲淚盈枕。張舜民畫。幔集城上烏。山頭月幾點。殘星滅不滅。營中角聲鳴咽咽。戰馬嘶從人發。堂上雙親垂白髮。閨中少婦年二八。爺牽衣。兒抱膝。東鄰西鄰哭聲一。道上行客腸斷絕。劉公是先生集。城頭月出天正白。衆烏驚飛啼夜色。枝高風多露新滴。畏聲惡影不能息。愁人感之援鳴琴。拂弦成聲淡沾襟。嗟爾生八九。鷗游不遇東西林。白頭反哺無所恨。桓山分飛獨何心。宋子虛詩。露花洗天天墜。

水。燭光燒雲半空紫。西施夜醉芙蓉洲。金絲玉管咽清秋。鼙鼓鞭月行春
雷。洞房花夢酣不回。宮中夜夜啼孤鳥。美人日日歌吳歎。吳王國破歌聲
絕。鬼火青燐生碧血。千年壞冢穴孤兔。烏銜紙錢挂枯樹。觸骸無語滿眼
泥。曾見吳王歌舞時。烏夜啼。啼爲誰。身前歡樂身後悲。空留琴瑟傳相思。
烏夜啼。啼別離。元楊鐵崖集古樂府。烏夜啼者宋王義慶妓妾報赦之詞。
予爲補之。而少見規誡之義云。龍蔥高樹青門西。夜夜栖鳥未上啼。報君
幽。報君喜。願君高樹成連理。啼鳥夜生八九子。莫使君家高樹移。鳥生八
九鳥散飛。谷祿與權詩。繞芳樹枝。豐草滿階露滑滑。明月入戶簾垂垂。
博山煙消翠屏冷。金釵桃盡鸞翅影。阿郎不來夜方永。馬虛中霞外集朝
啼東方白。夜啼林影黑。關河萬里天雨霜。月冷夜長眠不得。烏夜啼。憐爾
巢中黃口兒。哺腥吞腐羽毛長。母子日日長追隨。一旦離群自成偶。相呼
相喚期相守。故雉零落不復知。留得孤雌住衰柳。柳條蕭颯難棲身。夢驚
三月楊花春。載飛載止情莫伸。欲去不去愁殺人。不知換彈誰家子。暴物
傷生苦如此。哀音散入江湖間。老屋破窻燈欲死。烏夜啼。君豈知。西鳥
夜飛宋沈攸之詩。古今樂錄曰。西鳥夜飛者。宋元徽五年。荊州刺史沈攸
之所作也。攸之舉兵發荊州東下。未敗之前。思歸京師。所以歌和云。白日

落西山。還去來送聲。云折翅鳥飛。何處被彈歸。日從東方出。團圓鷄子黃。夫歸恩情重。憐歡故在傍。雙請半日給。從倚娘店前。自作宴瑱飽。復作究惱饑。我昨憶歡時。攬刀持自刺。自刺分應死。刀作離縷僻。陽春二三月。諸花盡芳盛。持底與歡來。花笑驚歌詠。感即崎嶇情。不復自顧慮。臂繩雙入結。遂成同心去。右五曲 烏棲曲樂府詩集梁簡文帝作 芙蓉作船絲作舫。北斗橫天月將落。採蓮渡頭碰黃河。即今欲渡畏風波。浮雲似帳月如鉤。那能夜夜南陌頭。宜城投泊今行熱。停鞍繫馬暫棲宿。青牛丹戟七香車。可憐今夜宿倡家。倡家高樹烏欲棲。羅帷翠被任君低。織成屏風金屈膝。朱脣玉面燈前出。相看氣息望君憐。誰能含羞不自前。梁元帝詩。帳中清酒瑤瑤鍾。裙邊雜佩繞玳龍。虛持寄君心。不惜共指三星今何夕。濃黛輕紅點花色。還欲令人不相識。金臺夜水詎能多。莫持春用比懸河。沙棠作船挂烏楫。夜渡江南採蓮葉。復值西施新浣紗。共向江干眺月華。月華似壁星如佩。流影澄明玉堂內。那耶九枝朝始成。金危玉挽共君傾。交龍成錦闢鳳紋。笑蒙爲帶石榴裙。日下城南兩相望。月沒參橫掩羅帳。七彩隨珠九華玉。蛟媒爲歌明星曲。蘭房椒閣夜方開。那知步步香風逐。陳後主詩。陌頭新花歷亂生。葉裏春鳥送春情。長

安遊俠無數伴。白馬驍珂路中滿。金鞍向曉欲相連。玉面俱要來帳前。
含羞欲語掩芳態。翠帶羅裙入爲解。合歡襦薰百和香。袂中被織兩鴛鴦。
烏啼漢沒天應曙。只持懷抱送郎去。陳徐陵詩。卓女紅粉一作妝期。此夜。
胡榘沽酒誰論價。風流荀令好兒郎。偏能傳粉復薰香。繡帳羅帷隱燈
燭。一夜千年猶不足。唯憎無賴汝南鷄。天河未落猶爭啼。江總挑花春水
木蘭橈。金羈翠蓋聚河橋。隴西上記應行去。城南美人啼著曙。岑之敬詩
總爲直去沒浮雲。河渡冰開兩岸分。烏藏日暗行人息。空樓雙影長想憶。
明月二八照花新。當爐十五晚留賓。蕭子顯詩。芳樹歸飛聚儔匹。猶有殘
光半山日。莫憚褰裳不相求。漢。皋遊女習風流。李端詩。白馬逐牛車。黃昏
入狹斜。狹斜柳樹烏爭宿。爭枝未得飛上屋。東房少婦婿從軍。每聽烏啼
知夜分。唐王建。章華宮人夜上樓。君王望月西山頭。夜深宮殿門不鎖。白
露滿山山葉墮。劉方平。蛾眉曼臉傾城國。鳴環動佩新相識。銀漢斜臨白
玉堂。芙蓉行障揜燈光。晝舸雙槽錦爲纜。芙蓉花發蓮葉暗。門前月色
映橫塘。感郎中夜渡瀟湘。李白詩。姑蘇臺上烏棲時。吳王宮裏醉西施。吳
歌楚舞歡未畢。青山欲嚙半邊日。銀箭金壺水多。起看秋月墜江波。東方
漸高奈爾何。張籍詩。西山作宮潮滿池。宮鳥曉鳴朱萼枝。吳姬自唱採蓮

曲一作吳姬採蓮自唱曲君王昨夜舟中宿吳泳鶴林集城上烏爾何不
向別處棲東飛日白足南飛有樹枝翔翔空中不欲墮通尾又向城頭歸
城雖高人亦好三匝重來屋邊遶不緣啄鴈稗不爲啞鳬鶯鴝鳴罵閭
里常巷巷忠言主人告所生八九子頗有三鵲成兩鵲連檣去一鵲聞絃
驚往來城頭雙棲止旭日又恐東方明司馬溫公傳家集風透金銷結綺
錢穿簾入幌舞垂蓮可憐無人夜不曉起視西窗月華皎星疎月明漏水
長羅帷翠竿帳燈光佳入起舞玉釵墮門外烏栖鴈南過陸游劍南詩藁
楚王手自格猛獸七澤三江爲苑囿城門夜開待獵歸萬炬照空如白晝
樂聲前後震百里樹樹栖烏盡驚起宮中美人謂將旦髮澤口脂費千萬
樂聲早暮少斷時吳恠栖烏無穩枝馮衍行詩黃河吹風暗平川東流之
水清且瀾明月不如長年好照我離離滿秋前明年此夜月還明我是荆
江雲水人勸君莫唱烏栖曲千古悲涼鬼神哭謝翱詩吳宮草深四五月
破楚門開烏啼歇美人軍裝多在船歸來把弓墮方弦越羅如粟越王獻
宮中養蠶不作線輒纏出屋井水淺拖樹花萎子如實烏栖烏啼宮燭秋
越女入宮吳女愁江湖續集高吉詩塞南月冷烏飛飛茫茫曠野無枝
棲防邊夜歌大風起鐵衣如水凍不死功成那忍乞愛卿呼關已獻龜形

綺。錢塘江邊烏欲棲。小卿醉軟紅玉肌。驛雲溜替困未醒。山頭赤鳥啄金餅。春宵恨不長如年。無情銀漏何濺濺。起來一笑花嫣然。僧文珣詩白露生庭蕪。明月照栖鳥。栖鳥啼不已。閨人中夜起。起視西北窗。翩翩鴈南翔。幽燕成未返。云胡不悽傷。元董嗣杲廬山集綠陰透城頭樹。月明正照烏棲處。黃昏角起吹晴雲。烏欲啼愁愁夜分。夜分潮波幻絕境。絕月漾坡礫冷。棲鳥忽過別枝棲。何人採蓮移舴艋。國朝劉基覆瓿集霜華著樹成秋蓋。樹頭棲鳥驚夜起。起向幽閨啼數聲。閨中美人泣到明。吳宮烏啼夜已分。宮中不聞人盡閒。夜深風落葉。葉子沉沉漏斷啼烏死。可惟烏鴉烏。鳴聲不喜人。如何好強語。故博主人嗔。烏啼曲僧宗泐詩天台王文起以故官例還汴梁。念其親老不得朝夕養。思慕彌篤。其寓傍有古槐樹。俄羣鳥集其上。既久弗去。及文起以舍壞移居他巷。而鳥亦隨之。其孝誠感物有如此者。予聞而異之。作烏啼曲。客舍門前古槐樹。群鳥啞啞啼不去。烏啼解知人意苦。遷客思親復朝暮。五年生死無消息。一聞烏啼淚沾臆。汴水東流白日飛。老親在南兒在北。南地靈鷲北地烏。烏啼報有平安書。鳥飛曲宋周紫芝太倉稊米集江雲欲雪江風吹。王敦城頭烏夜啼。雲深月暗風轉急。驚鳥繞樹無安枝。狂風忽來飛不定。夜半

無巢何所依。情知天公有風雨。何不結果高樹棲。君不見。秦氏庭中雙桂
美。庭鳥生雛八九子。鳥生豈不念高飛。託君庭陰飛不起。那知君家輕薄
兒。彈丸脫手兩翅垂。無巢悔不巢窠窠。有巢悔不常高飛。人生禍福難豫
期。鳥啼月宋賀方回詞。牛女相望處。星橋不礙東西。重牆未抵蓬山遠。
却恨盡樓低。細字頻傳幽怨。疑缸長照單棲。城鳥可是知人意。偏向月明
啼。跋鳥詞。唐柳宗元集。城上日出羣鳥飛。鴉鵲爭赴朝陽枝。刷毛伸翼
和且樂。爾獨落魄魄。今何爲。無乃慕高近白日。三足妬爾含爾疾。無乃飢啼
走路旁。貪鮮攫肉人所傷。翹肖獨足下叢薄。口銜低枝始能躍。還顧泥塗
備螻蟻。仰看棟梁防燕雀。左右六翮利如刀。踊身失勢不得高。支離無趾
猶自免。努力低飛逃後患。飢鳥詞。宋張文潛宛丘集。北風夜雨鳥翅濕。
低飛野畦啄遺粒。啄食不飽還畏人。嗚呼隔隴自求羣。我行陳宋經大澤。
田荒生茅不種麥。空腸待飽明年禾。鴉鵲爾飢獨奈何。啼鳥詞。元舒岳
祥。關風集。月明雙影帶霜栖。長憶青梧玉并西。前度碧窻驚曉夢。女奴
遣莫教啼。曉棲鳥。梁元帝詩。日暮連翩翼。俱向上林栖。風多前鳥駛。雲
暗後羣迷。路遠聲難徹。飛斜行未齊。應從故鄉返。幾過入蘭闥。借問倡樓
妾。何如蕩子啼。巢鳥。隋楊師道詩。桂樹春暉滿。巢鳥刷羽儀。朝飛簾城

上夜宿碧林。垂背風。葳蕤葉。向日逐踈枝。仰德還能哺。依仁遂可窺。驚鳴
雕筆側。王吉自相知。死為明慶餘。詩暮空長罷。噪箭急不知驚。賴餘琴
裏曲。猶有夜啼聲。晚飛鳥。虞世基詩。向日晚飛低。飛飛未得棲。只爲歸
林遠。恒當侵夜啼。詠鳥。唐太宗詩。交展臘城去。薄暮上林棲。解枝枝暫
起。停樹樹還低。向日終難託。迎風詎肯迷。只待織纖手。曲裏作宵啼。大
甯鳥。唐元稹詩。陽鳥有二類。甯白者名慈。求食哺慈母。因以此名之。飲啄
頗廉儉。音響亦柔雌。百巢同一樹。栖宿不復疑。得食先返哺。一身長苦羸。
嫁知五常性。翻被衆禽欺。其一甯大者。搜搏性貪癡。有力強如鷄。有爪利
如錐。音聲甚咬喙。潛通妖恠詞。受日餘光庇。終天無死期。翔翔富人屋。栖
息屋前枝。巫言此鳥至。財產日豐宜。主人一心惑。誘引不知疲。轉見鳥來
集。自言家轉孽。白鷄門外養。花鷹架上雄。專聽鳥喜怒。信受君神龜。舉家
同此意。彈射不復施。往往清池側。却令鷄鷺隨。羣鳥飽梁肉。毛羽色澤滋。
遠近恣所往。貪殘無不爲。巢禽攫鷄卵。廐馬啄蒼麋。滌澀脂膏盡。感嗟那
得知。主人一朝病。爭向屋簷窺。叨罵呼羣鷄。翻翻集依鴝。主人偏養者。嘯
聚最奔馳。夜半仍驚噪。鷄鷄逐老狸。主人病心怯。燈火夜深移。左右雖無
語。奄然皆淚垂。平明天出日。陰翳走參差。鳥來屋簷上。又惑主人兒。兒即